

# Ramus Olivæ,

SIVE

CONCIO 'Εἰρηδο-δαν'Αν'η

HABITA

## AD CLERVVM

in Templo Beatæ Mariæ

O x o n. 8<sup>o</sup> Iunii pro

inchoando Termino.

---

A

JOHANNES WALL, Doctore in  
Theologiâ, & Collegii Ædis  
Christi Præbendario.

---

Dominus sedet in diluvio, Dominus dabit  
fortitudinem populo suo, Dominus  
dabit populo suo benedictionem.

PACIS Psal. 29. 10.

OXONIÆ

Excudebat LEON. LICHFIELD,  
Impensis RICH. DAVIS

Anno Dom. 1653.





Illustrissimo

VIRO,

HEROI MAVORTIO

DOMINO

OLIVERIO CROMWELL' O,

Copiarum militarium intra

Britanniæ & Hiberniæ in-

fulas DUCI GENE-

RALI, Ἀρχιεργατῆρι in-

victissimo, Honoratissimo

Academiæ Oxoniensis C A N-

CELLARIO, Artium,

Studiorumq; Περαχῇ &

Propugnatori insignissimo.

Gratia & P A X

ONE HUNDRED

ONE HUNDRED

ONE HUNDRED

ONE HUNDRED

ONE HUNDRED

ONE HUNDRED

ONE HUNDRED

ONE HUNDRED





# EPISTOLA DEDICATORIA.



*A veniam ,  
Militiæ Britā-  
nicæ auspica-  
tissime IM-  
PERATOR,  
si hâc meâ de  
P A C E conci-  
unculâ litare ausim Vestræ Claritu-  
dini, Cunico O L I V Æ R A M O  
tot P A L M A R U M D O M I-  
N O gratulari.*

*Est certè PAX victoriæ filia, filia  
\* 3 inquam*

## EPISTOLA

*inquam palmaris victoriæ, quæ gestit CAPUT tam magnificum, dimissis alis blandè & placidè circumvolitare, seu potius lambere & demulcere: ut flamma olim caput SERVII, cum ad honoris fastigium traheretur.*

*Nos insuper colimus armatam Pallada, cum Ἑκατηβόλῃ Apolline, & sub auspiciis Vestris militamus: quem UNUM in hâc bellorum aleâ & motarum gentium tremenda vertigine, in hoc turbarum salo & fluctuantis mundi lubricâ conditione Præsidium vitæ, Columnam justitiæ, Pugilem Evangelii, Atlan tem Academiæ, ipsumq; Ἐδῶμα vacillantis Reipublicæ (ut BASTILIUS fuit Ecclesiæ) agnoscimus*  
*&*

## DEDICATORIA.

Et profitemur, non minus Artium  
patrocinio clarum Et inclytum  
quàm Armorum præfectura excel-  
sum Et gloriosum.

Feras itaq; Musarum cultus tan-  
quam Palmas lemniscatas, sinas-  
que

Inter victrices hederam TIBI  
serpere laurus.

Habent sua Literæ coronamenta,  
TE que præside duplici jure ince-  
dunt laureatæ, alicundè à Naturâ  
alicundè à victoriâ, quarum elogii,  
divina Potentiorum merita Æter-  
nitati consecrata ad Cælum usque  
panegyricè efferuntur, Et Heröica  
Majorum virtus superbire aliquan-  
do solet Et triumphare.

HOMERVM optabat gesto-  
run

## EPISTOLA

*rum Encomiaſten* **M A C E D O N I**  
**C U S I M P E R A T O R,** *cum*  
*gemens aſtaret* **A C H I L L I S**  
*tumulo, beatumque diceret propter*  
**M Æ O N I D I S** *præconium;* **T V.**  
**O** *Honori plures inſerviunt* **H O-**  
**M E R I,** **M E R C U R I I** *plures,*  
*Næ Sexaginta è fortibus* **I S R A-**  
**E L I S,** *& Mercurialium virorum*  
**U N I V E R S I T A S,** *quibus*  
*obtendis Vexillum gratiæ, exemplo*  
**C H R I S T I** *Vexillum amoris*  
*Dilectæ ſuæ obtendentis.*

*Maſſe* **H E R O S** *tèr inclyte,*  
**C u l m e n P A C I S,** **F u l m e n B E L**  
**L I** *cum ordinatâ acie & κερυνόβολε*  
*exercitu, utq; ſecuriùs in* **P A C E**  
*agatur, cincto femore gladio*  
**T U O** *(ſi fas dicere)* *inequità*  
*propter*

# DEDICATORIA

propter verbum mansuetudinis  
et justitię, quoàd victrices Aquil-  
las per omnes Mundi provinci-  
as,

————— Quę sunt à Gadibus,  
usque

Auroram et Gangen ———

*Triumphali more circumtulere,*  
Signa pro signis, insignia pro in-  
signibus ad DEI gloriam, & fi-  
dei incrementum, ultra columnas  
HERCULIS positurus, quā vel  
*Judæismus vel Turcismus, vel Athe-*  
*ismus, vel Paganismus cum fædo*  
*idolorum cultu uspiam dominan-*  
*tur.*

I B O N E, quò virtus T V A  
T E vocat, i pede fausto.

*Cum lustraret Mundum ingen-*  
*tibus*

# EPISTOLA

*tibus copiis ALEXANDER,*  
*magnus olim totius Orbis Domi-*  
*tor cicurabat gentes feras, & ad*  
*cultum civilis vitæ redigebat;*  
*pietas Vestra cicuratas gentes*  
*convertat, & conversas gentes*  
*sanctificet per Cognitionem JESV*  
**CHRISTI,** *& agnitionem*  
*veræ fidei, ad locupletandum Pa-*  
*radisum, & ruinas Angelorum*  
*aliquatenus instaurandum (nos*  
*siquidem erimus sicut Angeli)*  
*in cælo Beatorum,*

---dabunt sedes ubi fata quietas;

*Ita demùm eveniet ut Cim-*  
*merii homines quos Sol Justitiæ*  
*nunquam illustravit,*

*Ὁυδὲ ποτ' Ἠέλιος γ' ἐκδίδωκε) ætiusciv,*  
*plaudant sibi de Catenis salutari-*  
*buz, dicantq; invicem periisse-*

mus

## DEDICATORIA.

mus nisi periissemus, *vincis corporibus at solutis animabus*, *perditâ libertate at partâ felicitate*, *admirabili beneficio Divinae misericordiae & Salvatricis gratiae.*

*Faveas interim, foveasq; gemellos fontes bicipitis Parnassi, gemellos fomites religionis Orthodoxae, ubera dicam an Viscera Academicarum fecundissima? Tabernacula dicam an alvearia Musarum jucundissima? lacte & melle penitioris Theologiae, & politioris disciplinae, stibunda GENTIS corda, tanquàm arida GEDIONIS vellera benignè & suaviter irrorantia, irrigantia?*

*Obtinere*

## EPISTOLA

*Obtinent plurimum, neque unquam ferè excidunt molimina Sanctorum, quæ habent auspiciem DEUM, comites Musas, adjutricem Gratiam, auxiliares Literas, & postremò tanquam humiles pedissequas fideles & humiles Orationes.*

*Nos itaq; Athenienses T U I, flexo poplite, & voto supplice manus precesq; apud DEUM expandimus, ut JACOBI more cum Angelo congressus evadas ISRAEL, potens apud homines, quia potens apud DEUM, MOSIS amulus, JOSHUÆ similis, DOMINO EXERCITUUM in omni bono opere, veluti Columnâ ignis præcedente*



## DEDICATORIA

*cedente; neque minùs Fortunâ bel-  
licâ quàm Virtute calicâ Augustum  
superes, diuturniorem P A C E M  
& firmiorem requiem ( si DEO  
placuerit ) MAGNÆ BRI  
TANNIÆ consecutus, nascente  
CHRISTO ( cujus nomen est  
ORIENS ) in cordibus fidelium,  
non denùo per generationem carnis,  
sed continuò per renovationem Spi-  
ritûs ad vitam & gratiam, ad sa-  
lutem & gloriam, nullis sæculorum  
finibus terminandam.*

*Seorsim verò cùm de P A C E  
dixerim,*

*Pars mihi P A C I S erit dex-  
tram tetigisse —*

*Dextram Virtutis, dextram  
Fortitudinis tot praliis insignitam*

*tot*

## EPISTOLA

*tot victoriis nobilitatam, ut cælum  
digito videatur tetigisse: Neque  
dubium est quin certamina & mi-  
racula tam dextrè & feliciter a-  
perto Marte gesta, digito ipsius  
DEI fuerint expedita.*

*Quo magis expetit OLIVÆ  
sua folia LAURÆ Vestra foli-  
is innexa & complicata, seu potius  
innixa & obsecundantia tanti  
DUCIS manibus, ne dicam pe-  
dibus offundere & substernere,*

## EXCELLENTIÆ

*Vestre quàm humillimè  
devotus,*

*Johannes Wall.*

# RAMUS OLIVÆ.

1



LUCÆ Cap. 24. Ver. 36.

Hec autem loquentibus iis, stabat  
JESUS in medio eorum, di-  
ditq; eis PAX VOBIS.



DSUM  
(Fratres)  
cum ra-  
mo oli-  
væ, & vi-  
rentibus  
foliis, in-  
star co-  
lumbæ ad  
arcam No-

æ remeantis : post fluctus & di-  
luvia

luvia , post motus & incendia,  
post turbas & prælia, post metus  
& discrimina , clades & funera,  
strages & facinora , omni pænè  
*Christiani* orbis regione , cæde &  
sanguine , cruore & sanie, terrâ,  
marique inundante. Post varios  
casus & infanda certamina , ante  
fines sæculi qui *Nobis* obvenere,  
& suprema inclinantis mundi  
tempora inaudita.

Adsum vobis de Cœlo Fæcia-  
lis, Angelus pacis , pacificus Iri-  
næus : aperite fenestras aurium,  
pandite ostia animarum , & tam  
dextræ aviculæ in secretissima  
cordis penetralia & quasi adyta  
aditum patefacite. Quod si ve-  
rò pedes eorum , qui annuntiant  
pacem , grati fuerint & speciosi,  
quanto magis ora vultusq; , ser-  
mo & conspectus , ipsa denique  
salutatio præconis Evangelici,  
seu potius Domini nostri J E S U  
CHRISTI,

CHRISTI, universo Atheniensium Choro, jam primo *auspicante termino*, pacem & gratiam, salutem & benedictionem à DEO patre conferentis.

Similis videtur hujus sententiolæ complexio, ubi CHRISTUS suum habet *Χαῖρε* & salvere jubet Salvator omnium, unicus DEI filius in sæcula benedictus. Vox fuit *Johannes* in eremi solitudine, verbum CHRISTUS in doctrinæ claritudine, verbum Pacis & lætitiæ, verbum consolationis & fiduciæ, turbatis discipulorum animis, & præ Judæorum metu labascentibus, cùm vespere coacti in domum *Hierosolymis*, clauderent fores, & mussitarent invicem quæ gerebantur publicè, peterent latebras, & de gravissimis Theologiæ mysteriis intra parietes disceptarent.

# 4 RAMUS OLIVÆ.

*Hæc autem loquentibus iis,  
stabat JESUS in medio eorum,  
dicitque eis PAX VOBIS.*

Eccùm verba melle & favo  
dulciora, cujusmodi spirant opo-  
balsamum & aromata, odorem  
vitæ in medio Tabernaculi, ab  
arbore vitæ in medio Paradisi.

Quæ videntur potissimùm ob-  
servanda sunt,

DOMINI	{	<i>Situs,</i>	{	vel quod	{	<i>φανέρωσις</i>	
		<i>&amp;</i>				<i>magis placet</i>	<i>seu</i>
		<i>positio</i>					<i>Manifestatio.</i>
		<i>Stabat JESUS in medio eorum.</i>					
DOMINI	{	<i>Votum,</i>	{	vel quod	{	<i>ὁμιλία</i>	
		<i>&amp;</i>				<i>magis fa-</i>	<i>seu</i>
		<i>Benedictio</i>				<i>miliare</i>	<i>Salutatio.</i>

Dicitq; iis *PAX VOBIS.*

Vtraq; habent ansam præja-  
centem,

centem , & insigni temporis circumstantiâ muniuntur , cùm loquerentur invicem , & magnalia DEI celebrarent.

*Stabat JESVS in medio eorum:* ibi præsentia singularis.

*Dicitq; eis, PAX VOBIS:* ibi gratulatio salutaris.

*Hæc interim loquentibus discipulis :* ibi religiosus sermo , & discursus exemplaris, quo Cœlum & terra , supera & ima tanquam Apollinis Cantu aut Orphei Lyra permoventur : Ubi enim studium sapientiæ , & sermonis pietas , ibi præstò erit Dominus JESUS.

*Hæc autem loquentibus iis , stabat JESVS in medio eorum , dicitq; eis, PAX VOBIS.*

Jacta habetis conciunculæ fundamenta, aurum, argentum, nè dicam lapides pretiosos conabor superstruere , orfurus mo-

## 6 RAMUS OLIVÆ.

dò à discursu Theologico, & de sermone Apostolorum primâ vice sermonem habiturus.

*Hæc autem loquentibus iis, stabat &c.*

*Hæc autem loquentibus iis.* Quanam verò loquentibus iis? Humana & ludicra, Ægypti fercula, aut præsentis vitæ Comoda, stipulam & fænum, lutum & cænum redolentia? De coacervanda pecunia, de comparandâ gloriâ, de amplificando imperio, de saturandâ libidine? Apage mundi gaudia, carnis blandimenta, fucata, incerta, fugacia, euanida.

----- *non est mortale quod optant,*

Quod ambiunt cœlestes aquilæ, sublimes animæ, piæ mentis ardore, tanquam igneo quodam vehiculo, & quadrigâ super æthera elevatæ: transvolant ista in medio posita, & tanquam



quam *οὐβρα* aspernantur, prop-  
 ter eminentiam cognitionis JE-  
 SU CHRISTI, ut merita  
 ipsius perfectè comprehendant,  
 καὶ τὴν διωξάναν ἀναστασιος ad Philip-  
 penſes 3<sup>o</sup>.

Omnis Sermo & Oratio, om-  
 nis cura & meditatio circa Do-  
 mini gesta & Oeconomiam ver-  
 ſatur & impenditur: quò vene-  
 rit, quæ ſubiêrit, quanta geſſe-  
 rit, quomodo triumphârit, quàm  
 magnificè & glorioſè devicto  
 ſatanâ & ſpoliatis hoſtibus ſu-  
 per aſpidem & baſiliſcum am-  
 bulaverit, leonem & draconem  
 protriverit & conculcârit. Poſt-  
 quam enim Dominus JESUS  
 ab inferis remeâſſet, præbuit  
 ſeipſum conſpiciendum diſcipu-  
 lis redeuntibus à ſepulchro, pe-  
 regrinantibus in viâ, ubi multa  
 de ſeipſo expoſuit vaticinia,  
 ſumpto pane benedixit, iisq;  
 tribuit

## 8 RAMES OLIVÆ

tribuit in salutem animarum. Quantus inde zelus? quanta devotio? inflammantur corda, incenduntur studia, quin & discipuli viso Domino plurimum gavisi mirantur, stupent, venerantur, adorant, præsentem colunt, absentem prædicant, avolantq; protinus ad locum Tabernaculi, ubi convenerant undecem; pleni musto, referti gratiâ; ut fracti utres erumpunt subito in vocem jubilationis, & eructant verba divinitus inspirata, ab abundantia cordis abundantiam suavitatis. Gestiunt enim & tripudiant eloqui, multis fratribus, æumnâ & vigiliis panem confectis, qualia iis ad Emmaum profecturis in viâ contingere, & quomodo fuit agnitus in panis fractione; siue panem Eucharistiæ in Sacramentorum Administratione, siue panem Eleemo-

leemofynæ In bonorum largitione & distributione concipiatis.

*Hæc autem loquentibus iis stabat* J E S U S *in medio eorum*  
*&c.*

Dicite modò à Discipulis  
 CHRISTI (*Fratres in CHRISTO dilectissimi*) sectari viam conciliandæ pacis apud DEUM patrem, & si vultis Dominum JESUM præstò habere, juxtà cernere, & comparentem vobis in medio templi suspicere, & contueri: recolite merita, edicite miracula, omnisq; sermo triumphalis palmæ recordatione super Orcum & dæmona, super mortem & crimina, cæteramq; nequitiae spiritualis hydram & monstra tanquam sale condiantur.

Absint lites & scandala, rixæ & convitia, hæreses & Schismata, diræ & perjuria, quibus nomen

men DE I apud gentes blasphematur; quanto magis λογος iste, quem beatus Apostolus σαπρον vocat, & impuri homunciones ab ore fætido, inter media Cupediarum fercula, & densa ingurgitationum pocula evomere frequentius solent & exhalare.

Lingua apud Hæbræos נבנא dicitur, sonatq; *Gloriam*, quia DEUM linguâ honoramus; & certè absolum videtur, seu potius dignum anathemate, ut quo ore DEUM colimus, pascha celebramus, eucharistiam excipimus, & mellitissimam dominicæ carnis placentam suaviusculè & spiritaliter degustamus: ab eodem verba lasciva, & petulca, fæda & spurca, tanquam è putidiore lacunâ, aut gravi aliquâ sentinâ despumentur.

*Guttare sulphureas lentè exhalante Mephites.*

Ora

## RAMUS OLIVÆ. 11

Ora mediùs-fidiùs istiusmodi hominum non sunt ora , vocisve organa, sed potiùs cloacæ & sterquilinia, voragines & sepulchra, hiantibus tumulis,

---*Et grave-olentis Averni,*  
 faucibus comparanda.

Alii loquuntur nugas & insomnia , alii loquuntur fabulas & mendacia, alii lapides, & tremenda angelorum cohortibus verborum fulmina, omnes præter sententiam Evangelistæ, & si displiceant otiosa verba omnes meritò arguendi. Quod enim ingreditur os , non inquinat hominem sed quod egreditur ab ore ipsius utpote *πονηρὶ διαλογισμοὶ, φόνοι, μοιχαῖαι, κλοπαὶ, ἡδοναεργεῖαι*, aliaq; ejusmodi secundum *Matthæū 25.*

Hæc sunt ea quæ abigunt spiritum vitæ , ut fumus apiculas solet exterminare, Dominumq; gloriæ intra amæna gratiarum  
 roseta

roseta deliciantem longissimè  
 profligant; quibus dæmonem ci-  
 tiùs credo adfore quàm Domi-  
 num, neq; unum modò sed legi-  
 onem, pluriumq; dæmonum in-  
 cursionem, pro benedictione, &  
 pace maledictionem & pœnam,  
 excidium, & stragem; interneci-  
 onem, & mortem, vastitatem,  
 deniq; et ruinam subitâ quadam  
 παρολεθρία allaturam. Simile ad-  
 modùm contigit in pago vicino  
 Academiæ, ubi frequens turba  
 ad ludos Scenicos confluxerat: a-  
 liis contusis, & collisis, aliis con-  
 fractis, & concisis, repentinâ  
 morte abreptis obrutisq; pluri-  
 mis, qui per media tabulatorum  
 fragmina, & dura ædificiorum  
 rudera, truncatis membris ani-  
 mam supremam exhalabant,

*Dum collapsa ruunt subductis  
 tecta columnis,*

Postquam ater homo, & sacri-  
 legus

legus nebulo, bipedum nequissi-  
 mus, è *dramatum numero*, (far-  
 ragine dicam an fartagine lo-  
 quendi?) execrandâ certè βαρ-  
 λοχία & horrendâ blasphemiâ  
 omne cœnaculum implevisset,  
 circumfufum aëra incestâsset,  
 Orchestram ipsam polluisset, &  
 quodammodò devirginâsset.

Cui videtur astipulari in suâ  
*Tragi-Comediâ*, Vir fidei inte-  
 gerrimæ, inprimis doctus, secun-  
 dus nulli pietate. Quinetiam Jo-  
 hannes Apostolus ingressus bal-  
 neum resiliit protinùs conspecto  
 ibidèm *Cerintho*, nè fortè caderet:  
 si qua fides *Eusebio* libro 3º Ec-  
 clesiasticæ historiæ. Quanto ma-  
 gis relinquendæ ædes, naviculæ,  
 porticus, basilicæ, theatra, spect-  
 acula, ambulacra, peristylia,  
 ubi monstra hominum DEO  
 ostrepentium convenère; nè cum  
 iis deprehenfi pereamus, & tan-  
 quam

## 14 RAMUS OLIVÆ.

quam incendio communi omnes paritèr conflagremus. Abundè constat (ubi-cunq; oculos convertimus) funesta impiorum synedria, & prophana balatronum dictèria exosa DEO, exitiosa hominibus, apertæ *Nemesis*, & extremis periculis objacere. Interim vero, quorsum Dominus ecclesiæ bene dixit? Propter gratiam labiis diffusam; diffusam in orationibus, diffusam in Sermonibus, diffusam in exhortationibus, diffusam in concionibus.

*Diffusa est gratia in labiis tuis, propterea Dominus benedixit.*

Neq; solùm benedixit, sed *in æternum benedixit*, ut psaltæ placuit in psalmodiâ I S R A E L I S.

Labia Ecclesiæ sunt præcones Evangelici, quibus subesse debet *lac & mel* juxta Salomonem: superesse pax & gratia, charitas, & benedictio, uti olim examen  
apum



apum *Platonis* linguâ fertur fessitâsse, cum jaceret in cunis, primis fasciis involutus. Vos itaq; rogandi estis, ut sumpto carbone ab altari Dominico, labia vestra expurgetis, quo magis sint *calami expediti Scribæ*, ceu potius organa Spiritûs Sancti, ad expromenda DEI consilia paratissima, non subtùs è Gehennâ per nefanda Orgia, sed divinitùs è cœlo, per munda eloquia accensa & inflammata.

Dicate regi opera vestra, dicite Christo encomia vestra. Nomen JESU oleo simile, dulce admodum & salutare, modò lucet, modò pascit, modò lenit reficitq; si prædicâris lucet, si cogitâris, pascit, si invocâris, lenit, ungit, micat, sanat, quævis dicam ulcera, an vulnera animarum? Hunc recolite, & declarete fratribus, sit vobis ut  
mel

mel in ore, melos in aure, esurientibus alimonia, ingemiscen-  
tibus exultatio, sive natum, sive  
crucifixum, sive morientem, si-  
ve resurgentem observetis.

Quis non eum lubens prædi-  
cârit, per quem unum cœlestis  
gloriæ coronam deinceps hæ-  
reditabit? Quoties recordamur,  
toties confortamur (inquit *Ber-  
nardus*) quoties dicimus, toties  
sentimus in medio cordis, in  
medio conventûs, uti pridem  
*Israelitæ* inter alas CHERU-  
BINICAS, non cum superbis  
ultorem à tergo, sed cum disci-  
pulis adiutorem in medio, unde  
emergit Domini *situs & positio*,  
*phanerosis & manifestatio*, uti pri-  
us animadverti.

*Stabat JESUS in medio eo-  
rum. Hæc autem loquentibus iis,  
stabat JESUS in medio eorum.*

Qui nihil ferè dixit sine para-  
bolâ,

bolâ , nihil ferè egit sine miracu-  
 to, natus virginepariente, mor-  
 tuus sole fugiente : prodiit in  
 lucem clauso utero , rediit in vi-  
 tam clauso tumulo. *Stabat* de-  
 mum *in medio* Apostolorum , uti  
 constat alibi clauso ostio , ut no-  
 tam faceret divinæ omnipoten-  
 tiæ insignem claritudinem. *Sta-  
 bat in medio* , qui jacebat in se-  
 pulchro : Situ admodum resur-  
 genti consentaneo , ut cerneretur  
 meliùs, audiretur pulchriùs, cre-  
 deretur veriùs , agnosceretur  
 pleniùs: Et si Romani STATO-  
 REM JOVEM , nos Christi-  
 ani STATOREM JESUM  
 multo sanctiùs coleremus , JE-  
 SUM STATOREM, JE-  
 SUM STATUMINATOREM,  
 & procul dubio vindicem cre-  
 dentium. *Stabat* subitò visibili  
 modo, qui semper adstabat in-  
 visibili gratiâ , erecto corpore,  
 B erecto

erecto animo, ad DEUM patrem rectà abiturus: *Stabat* ad consolandum promptus & alacer, stabat ad sublevandum firmus, & impiger nè periculo circumdanti, & formidine perculsi à doloris magnitudine absorberentur, *Satanas* à dextrâ, CHRISTUS *in medio*; Diabolus in circuitu, Dominus in centro, in angulo deniq; *inimicus homo*, cum labefactaret angulos in Jobi domicilio, Salvator mundi in conspectu omnium; neq; *Veritas querit angulos*, æterna veritas, substantialis veritas, unigenitus DEI filius, primogenitus inter mortuos, glorioso corpore tanquam lumine amictus; Qui si fuit *Lapis angularis*, tum certè propter unionem parietis, quo duæ gentes in unum ovile, in unum corpus pulchrè & fæliciter coalescunt.

Augustus

Augustus fanè locus, de quo Evangelistæ *juncto umbone* videntur consentire. Ubi enim rectiùs quàm *in medio* I E S U S, mediator DEI atq; hominum I E S V S C H R I S T U S, *mediæ naturæ mediæ* *ἡμισυαίου*, fons aquæ *in medio* deserti, Sol justitiæ *in medio* Ecclesiæ, Gloria D O M I N I *in medio* Tabernaculi: Lignum vitæ *in medio* Paradisi, Flamma ignis *in medio* rubi, Agnus DEI *in medio* Throni, Filius hominis *in medio* Candelabrorum, Dominus exercituum *in medio* Angelorum, ut cor hominis *in medio* Corporis ad animandum, excitandum, adjuvandum, inspirandum & in omni bono opere confirmandum? *Ubi enim, duo tresve ad plurimum, ibi erit Dominus in medio eorum.*

Multoties seipsum præbuit cùm Mariæ tum Cephæ, aliisque mortem

mortem insolabiliter deplorantibus, nusquam veró Suavior manifestatio, aut clarior *ἐνδείξις*, quàm in cætu Apostolorum; ubi instar fulguris emicuit, seu potius jaspidis in medio auri circulo radiantis, *in medio* doctorum primò admirabilis, *in medio* latronum deinceps miserandus, *in medio* discipulorum postremò gloriosus: ut ex æquo respondeat, ex æquo luceat, ex æquo benedicat, ex æquo influat oculis animisq; singulorum. *Non est enim DEUS acceptor personarum*, sed in omni regione, eorum qui piè colunt sine discrimine misereatur.

*Stat in medio* vestrûm, quem, vos nescitis ( inquit Johannes ) imò potius quem vos novistis, salutem *in medio* terre operatum, superesse modò et superâsse omnes Satane machinas, ne dicam mutationes

nitiones et ὀχρώματα subruisse  
 funditus et deturbasse.

Quale spectaculum? Qualis  
 visio? quàm celebris, quàm ju-  
 cunda? Dominum gloriæ, Au-  
 thorem vitæ, Regem cœli, Condi-  
 torem mundi, postalligatum fortē,  
 expilatam domum, triumphatam  
 mortem, Captivatam de-  
 niq; ipsam captivitatem *in medio*  
 Apóstolorum choro et coronâ,  
 onustum spoliis, ornatum insigni-  
 bus tanquam Aquilis quibus-  
 dam victricibus speculari? *Videbo*  
*istam visionem magnam* (inquit  
 Patriarcha) de rubo urente, et  
 rubente, clarissimo incendio, et  
 certè optandum foret de nostrâ  
 visione idem sentiremus, idem  
 profiteremur.

*Egredimini filii Hierusalem,*  
*Egredimini filiæ Sionis,* contem-  
 plamini regem Salomonem, fili-  
 um DEI, *magnam* certè *visio-*  
B 3
*nem:*

*nem*: manus et pedes explicantem, vulnera et cicatrices ostendentem, et si non clavos, saltem vestigia et indicia tanquam divina quædam trophæa intimis sanctorum visceribus et præcordiis imprimentem, erigentem.

Insomnes aliquando noctes egit Themistocles, cùm spectaret Miltiadis trophæa, neq; dormire potuit virtus œmula, quoties de ipsius gloriâ cogitaret: Amplior multò et speciosior CHRIS-  
TI palma et victoria, quâ vicit LEO *de Tribu Juda*, et profligatis hostium turmis, omnes Satanæ Copias dissipavit. Evigila qui dormis, exurge à mortuis, imitare Themistoclem, illuminabit te CHRISTUS-  
CHRISTUS inquam, recumbens ut LEO, rugiens ut LEO, postquam divisit spolia- & devoravit prædam ab orco re-  
dux,



dux, ab inferis redivivus. *Leva,*  
*te portæ Capita vestra, & elevami-*  
*ni portæ æternales, ut ingreditur*  
 REX GLORIÆ, *Quis est*  
 REX GLORIÆ? *Dominus*  
*fortis in prælio,* qui non solum  
 ingressus est domum clausis fori-  
 bus, ad sublevandum Apostolos;  
 sed fractis portis ænëis, et solutis  
 Inferni doloribus, per sanguinem  
 intravit cæleste tabernaculum,  
 æternâ redemptione pro nobis  
 comparatâ.

*Stabat in medio,* sedet in fasti-  
 gio. *Stabat in medio* regnat in fasti-  
 gio, sublimi fastigio divinæ ònipo-  
 tētiæ et cælestis gloriæ, super *Thrōos,*  
*& Potestates, super Dominationes,*  
*& Principatus, super Cherubin,*  
*& Seraphin, ad dextram Patris*  
*elevatus.* Dicit enim ubi intro-  
 ducit primogenitum, *Adorate*  
*eum omnes angeli ejus* 1<sup>o</sup> et 7<sup>o</sup>  
 ad Hæbreos, et si fortè angeli

## 24. RAMUS OLIVÆ.

tum certè homines multò rectius, liberati morte, emundati, sanguine, informati verbo, renovati spiritu, ad nuptias deniq; ipsius agni tympanis et gaudio, Cymbalis et jubilo postremò evocandi. *Adorate cum omnes angeli, adorate cum omnes sancti,* ut sit Dominus *in medio terræ*, benedictus et celebrandus, qui est DEUS *in medio cæli*, gloriosus et admirandus.

Exaltatio CHRISTI, exultatio *Christiani*, quo vigente virescunt membra: & si fortè cum eo surrexistis, à mortè ad vitam, à culpa ad justitiam, ab hæresi ad fidem, à tenebris ad lucem, ab irâ ad gratiam, ab exitio ad salutem: comparate vosmet tanquam luminaria, *in medio* generationis pravæ alios hortamini, alios consolamini, Sanctorum comitia indagate, versamini

versamini inter discipulos *Christi*, thesauros scientiæ *in medium* producite, aperite fontes *in medio* Hierusalem, fluant aque *in medio* platearum, aque salientes in vitam eternam. Ipsam postremò φιλαδελφίαν prosequimini, *in medio* fratrum ambulate, procedite, vigilate, contendite, ut lapsos erigatis, cecos dirigatis, & veræ sapientiæ studiosos in *lacteâ* præceptorum *viâ* confirmetis. Ita demum similes eritis filio hominis *in medio* seniorum, seu Columnæ alicujus templi, aut trabis cujuspiam\* basilicæ, quibus ingentes machinæ & stupendæ moles subnixæ, & stabilitæ fulciuntur.

Misera interim, & nunquam satis deplorata videtur cōditio, qui desertâ *Christi* familiâ extra fines *Hierusalem*, et quasi pomeria evagantur, neq; solùm à verbis *Christi*,

## 26 RAMUS OLIVÆ.

*Christi*, sed ab exemplo ipsius longissimè recedunt. *Christus* in domo, isti in circo : *Christus* in tabernaculo, isti in theatro, Christus inter discipulos et greges sodalium, isti inter feras et armenta pecorum, à præceptis et doctrinâ, à mandatis et custodiâ extorres facti et alieni. Quo magis exclamandum videtur cum Salomone *convertere, convertere Shunamitis, convertere, convertere, ut videamus Te ad sanctuarium DEI*, et locum tabernaculi velis remisque convolantem; intra portas Hierusalem, et muros Sionis, inter flores horti et delicias paradisi, ubi os DEI cernitur, et vox Dei clarissimè exauditur, non gementis et increpantis, uti olim heroicis temporibus, sed mulcentis et conciliantis divina humanis, cælestia sublunaribus.

*Dicit*

## RAMUS OLIVÆ. 27

*Dicit enim P A X V O B I S. Quod superest mihi postremo loco explicandum.*

*Hæc autem loquentibus iis, stabat  
J E S U S in medio eorum, di-  
citque eis P A X V O B I S.*

Si nihil diceret expavescentibus discipulis, spectrum fortè existimarent, et certè ejusmodi opinio tremula ipsorum Corda penitùs invaserat dixit itaque multa ( ut liquet postea ) nè infans haberetur verbum patris & λόγος verè ἐσιώδης, petiit cibum, comedit piscem, aperuit scripturam, promisit spiritum, jussitque *Hierosolymis* expectare, ut substantiam carnis quovis modo indicaret: Vox autem, quâ primò adortus fuit, præsentì Sermone comprehenditur, uti modò audistis: P A X V O B I S.

Dulce Acroama, dulcis oratio,  
omni suavior musicâ, omni grati-  
or

28 RAMUS OLIVÆ.

or cantilenâ & certè ab ore do-  
imni,

Μέλιτ' & γλυκίων ῥεῖν αὖδῃ, plûsquàm  
*Nestoris* aut etiam *Suadæ*; medul-  
la mellis, medulla gratiæ medulla  
spiritûs, medulla vitæ, PAX  
VOBIS, PAX ECCLE-  
SIÆ. Hæc est enim meta &  
terminus cujusvis prælii et cer-  
taminis, propterea digladiamur  
et contendimus, ut diuturnæ pa-  
cis otio tandem recreati abundè  
et dapfiles saginemur: quæ si un-  
quam fuit jucunda, tum certè  
post victoriam fugatis hostibus  
jucundissima, finis pugnæ, fruct-  
us victoriæ, conciliatrix deniq;  
vitæ humanæ blanda & saluta-  
ris.

Provocante olim serpente  
*Dominum* gloriæ, mors et vita  
certamen inière, venit, vidit,  
vicit magnus *Leo* de tribu *Juda*, et  
*Goliath*

*Goliam* infernalem suo gladio detruncavit, vicit eum ligno crucis, qui vicerat *Adamum* ligno arboris, ex quo *pax* et serenitas, fiducia & securitas universo orbi delegata, non humanæ vocis tubâ, sed divini oris præconio indicitur & celebratur.

Nusquam fremit, nusquam frendet *Leo* ampliùs, sed in *agnum* versus qui tollit peccata, omnia pacat, omnia pacificat, pacem optat & precatur, *pacem* donat et largitur, quâ nihil uberius, nihil præstantius aut certè inter humanæ vitæ discrimina magis expetendum.

*Aspice venturo lætentur ut omnia sæclo:*

*Aspice venturâ lætentur ut omnia pace!*

Montes ovant, colles saltant  
ut agni ovium per montium ju-  
ga,

ga, sonant abyssi, reboat mare, exultant cœli, jubilat terra, facies deniq; totius orbis suaviter renovata subridet plusculum & hilarescit. Crebra fuit *Pacis* vocabulo & perquàm familiaris salutatio; neq; absimile videtur πῶς ὑμῶν apud Græcos שלום apud Hebræos, quo uno significabant omnia; gratiam, salutem, gaudium, lætitiā, εὐθυμίαν εὐτυχίαν, & omnimodæ fælicitatis cumulatam perfectionem, tanquam *mensuram bonam, pressam, agitātam, & superfluentem* in patulos amicorum sinus, piè, & devotè congerebant. Et certè à Domino JESU frequentius adhibetur, hîc semèl, bis apud *Johannem*, multoties alibi sanctorum Coronæ, præsertim verò undecem, qui variis cogitationum motibus, ceu vastis undarum molibus quôvis ingruente turbine, jactabantur



tur indiès, & fluctuabant, cùm propter acerbitem Dominicæ passionis, tum propter immanitatem Judaicæ tyrannidis, mortem & crucem, cædem & cruorem ubivis & passim minitantis.

Reliquit *pacem* abiens cum è vitâ excederet, confirmavit *Pacem* rediens cùm à morte exurgeret, divinus *Thesens* & immortalis pacem veram πολυφάρμακον ægritudinis medicatricem & panacæam animarum. Voluit enim suo indicare exemplo quod mandaverat Apostolis secundum Matthæum 15. *Quoties ingredi-  
mini alicujus domum, dicite PAX  
huic domui.* Adeoq; fratres unâ confidentes *pace* excipit, ut quod ante luctam certâ inisfacilè indulserat, post absorptam mortem, & avulsum aculeum, post ablatum Chirographum, et instauratum corporis

corporis sui templum uberius distribueret , & tanquam pre-nobilis agnohetes & multarum palmarum gladiator strenuus, triumphali quodam jure dispen-saret.

*Audiam quid loquetur Dominus?* (inquit Psalmista ) *Dominus pacem loquetur servis*, & certè loquutus est non modò pulchritudinem sed abundantiam ipsius: *Sedebunt utiq; in pulchritudine, abundantiam pacis habituri*, contra mundi impetum & procellas, carnis *ἐπιθυμίαν* & illecebras, turbas Satanae & machinas arietandi undiq; conquistas. Est enim vox DEI sermo angelorum, divinum idioma , cælestis harmonia , quâ cives *Hierusalem* gaudent invicem et se mutuò amplexantur.

Multiplex habetur apud Theologos *pacis* ratio: alia cum DE-

O alia cū proximo: alia cū angelis, alia cum hominibus: alia interna, spiritûs & conscientiæ, alia externa, regiminis & politiciæ, omnes DEO tribuendæ, potissimum ea, quæ sedat animum & tranquillat mentem, per veram fidem & remissionem peccatorum, *reconciliatio* nimirum *cum* DEO patre per unigenitum Filium, qui seipsum pro nobis ἀντίλυτρον exhibuit: redemptionis humanæ pretium inestimabile.

Frustra *pacem* extra DEUM quærimus, sive in cognitione & scientiâ, sive in contemplatione & sapientiâ, sive in bonis fortunæ, sive in operibus justitiæ, quæ nosmet ipsi procuravimus; quanto minùs in extis pecorum, & fibris animalium, nè dicam legalibus sacrificiis, & jam pridem obsoletis *Romanæ* Cathedræ indulgentiis? Non est ἐν Πυθαγορικῷ

*goricum* aut *dialecticum*, sed *Theologicum* & divinum, quod solatur Christianos; Si CHRISTUS *pacem* dixerit, sani erimus, sancti erimus, jucundabimur in *pacis* elegantia, delectabimur in *pacis* abundantia, nullâ unquam temporis mutatione violandâ; sacro fœdere, et concentu harmonico, inter animam & mentem, inter carnem & spiritum, inter appetitum & sensum, inter voluntatem & rationem perfectè inito & conservato.

Dicuntur aliquando homines *pacis* angeli, dicuntur aliquando angeli *pacis* internuncii, is solus est *pacis* author, qui DEUS PACIS insignitur; mysticus Salomon, *pax* ipsa, utraque faciens unum: cujus regnum est civitas *pacis*, cujus Evangelium est fœdus *pacis*, cujus mandata sunt viæ *pacis*, et verè *semitæ pacificæ*  
 Nos

Nos siquidē justificati fide, pacem habemus apud DEUM per IESUM CHRISTUM Dominum nostrum ad Romanos 5°. Omnes chari, omnes liberi, & quia Filius liberavit omnes verē liberati, ut constat liquidō Johannis 8°.

Multi interim dicunt *pax*, ubi non est *pax* aut aliqua certē vel umbra *pacis*, & vestigium, quin potius (ut disertē Seneca) *Tedium sui & nusquam animi residentis voluntatio*; iræ, clamores, diræ, cruciatus, nullius *Mercurii* virgulā fopendi, compescendi, nisi Dominus fortē increpuerit, cujus imperio mare & venti, turbines & fluvii, obsequuntur. Est enim *pax* res augusta, & beneficium singulare, ut *Ancile Romanis* divinitus erogatum, non quibusvis sed Apostolis, non impiis sed conversis, non profanis sed electis, non in-

# 36 RAMUS OLIVÆ.

credulis sed fidelibus, cujus ope  
carcerem & vincula, equuleum  
& verbera, aliâq; supplicia lon-  
gè graviora cùm *Laurentio, Cypri-  
ano, Vincentio, Theodoro*, cæte-  
râq; Martyrum catervâ facile  
contemnunt; in mediis quasi  
flammis alacres, læti, hilares,  
jactabundi gloriantur; conscii  
benè (ut verbis utar *Ethnici*)  
*se rectâ ad immortalitatem perge-  
re*, et sequendo *Agnum Leonem*  
vincere.

PAX VOBIS ( inquit J E-  
SUS ) *vobis* Discipulis, *vobis*  
amicis, quibus volupe cùm san-  
ctis, quorum politeuma in cœlis.  
Mortuus fuit, at revixit, habetq;  
claves mortis & inferni, constricto  
dæmone, expiato crimine, sedato  
patre, conciliato homine non  
multo auri pondere, sed copio-  
so agni sanguine, æterno omnium  
Creatori.

In

In CHRISTO pacem, in  
 mundo certamen, in CHRIS-  
 to requiem, in mundo tribulati-  
 onem experimur. Utinam (*Fra-*  
*tres*) non ignem & ferrum,  
 latrocinium & rapinam, excidi-  
 um & stragem, lanienam & in-  
 teritum alicubi gentium habe-  
 remus. Grassatur etiamnùm A<sup>m</sup>  
 noxia & feralis dea, quin potiùs  
*Gradivus Homericus*, & *Bellona*  
 omnium funestissima; ira, vindi-  
 cta, cupiditas, insolentia, rabies,  
 blasphemia, crudelitas, *παραγλία*  
 in omnes poenè mundi oras, tan-  
 quam è Pandoræ Capsulâ, aut  
 veneficæ alicujus pixide, turma-  
 tîm, catervatîm, exiluerè. Alibi  
 lascivia, alibi intemperantia, a-  
 libi furor, alibi insania, ubique  
 dæmon, & monstra dæmonum,  
 quibuscum ingruit lucta & cer-  
 tamen; quia *præmisit agonem qui*  
*promisit Coronam*, ut scitè *August-*  
*inus*

## 38 RAMUS OLIVÆ.

*inus Salviano* coincidens.

Nusquam pietas, nusquam fides, in plerisq; mundi regionibus: quarum vice luxuria, ingluvies, libido, impuritas, violentia, vinolentia, nè dicam atrociora quædam flagitia, subeunt, incumbunt, & debacchantur.

Vita hominis militia super terram, omnisq; mundus ut *Campus Martius*. Fit sæpenumerò unius præfectura multorum præda, & si non *Astræa*, *Pax* saltem (*Astrææ* filia) reliquit terras, & justitiam osculata in cælum avolavit.

Fuerit aliquando *pax* ab inimicis, non à domesticis: fuerit ab hostibus, non ab hospitibus: fuerit à gladio, non ab insidiis: fuerit ab armis, non ab hæresibus: fuerit à vi, non à vitiis: fuerit à militibus, non à litibus: & repugnantibus animorum



animorum studiis. Vos modò  
*pacem* dicite, *pacem*, quærite,  
*pacem* diligite, *pacem* habete,  
*pacem in vobis*, & *salem inter vos*,  
 pro mandato CHRISTI ob-  
 servando.

Fertur *Plato* ipsam philosophi-  
 am è cœlo devocâsse, revocate  
*pacem DEI* solio assidentem, &  
*volaticam Deam* non vi & armis,  
 sed oratione & precibus inter  
 sublunaris sphæræ ambitum re-  
 digite, & coercete.

Vicimus aliquandò sine tri-  
 umpho, & devicimus spolia sine  
 trophæo, ipsi victores victis simi-  
 les, quemadmodum *Romani* su-  
 peratis *Penis*. Victoriâ cupi-  
 mus pro recente victoriâ gra-  
 tulabundi, sed magis *pacem* &  
 longè optabiliorem ἀνέπαυστον ar-  
 morum, tempora saltem *Halcy-*  
*onia*, quibus opes suas tanquam  
 ova pariant conserventq; utrinq;  
*Halcyones*

# 40 RAMUS OLIVÆ.

*Halcyones cū Germanici tum  
Britanici littoris.*

Sunt reverà multa, quæ *pacem*  
Hierusalem conturbant, sive  
mysticæ & spiritualis, sive politi-  
cæ & forensis. *Pacem* animæ tur-  
bant, reatus & crimina, *pacem*  
Ecclesiæ turbant hæreses & scis-  
mata, *pacem* Academiæ turbant  
Sycophantiæ & scandala, *pacem*  
Universi turbant ambitio, con-  
tumacia, avaritia, perfidia, mul-  
torum denique scelerum collu-  
vies, & sentina; *quomodo* enim  
*pacis tranquillitas* quoties abun-  
dant stupra *Jesabelis*? Rogemus  
itaq; pro *παλίν* publicâ, DEUM-  
que votis oneremus, ut qui dig-  
natur salutare, dignetur salvare,  
æternâ *pace* omnem rationis cap-  
tum superantē. *Beati* qui dili-  
gunt eam, *beatiores* qui servant,  
qui fruuntur & degustant *beatissi-*  
*mi*. Hæc sunt arma nostræ mili-  
tiæ

# RAMUS OLIVÆ. 41

tia quibus DEUM exoramus, cœlum expugnamus, & vim quandam inferimus sanctissimo *Agni throno*, religiosè observandum.

Date, quæso, operam & strenuè contendite, sepositâ omniscarnis & spiritûs immunditiâ; ut post tot aquarum exitus & flumina, post tot molestiarum impetus & diluvia, sacra, religionem, jura, politiam inundantia, emundantia, & (quod facile spero) ab infinitis vitiorum sordibus, & depravatis morum corruptelis, tanquam à fæce *Romuli* & scabie mundi expurgantia, gloriôsæ *pacis* fructum, & divinæ misericordiæ germen, tanquam viridis OLIVÆ frondes, & ramusculos conspiciere & decerpere valeamus.

Fuimus omnes miseriæ nostræ fabri, & quia pacis bono malè  
usi

usi ut securiùs nepotemur, genio  
indulsumus, ipsâ pace jampridem  
orbati, in varias contentionum  
Syrtes, quasi laqueos Diaboli in-  
cidimus; ut quos *pax* longa vitiis  
inquinaverat, eos conturbatio  
modica ad honesta studia exci-  
taret.

Expergiscimini expergiscimini,  
*Veneranda Athenarum capita*, & ad  
spem quietis nunquam desitura  
animos erigite; recordamini  
priscae gloriæ, avitæ gratiæ, &  
studete *paci* doctrinæ Evangeli-  
cæ; mactate hostias voluntatem,  
probate vosmet filios *Abrahami*;  
*Como*, gulæ, vino, temulentia,  
otio, libidini, Typho, superbiæ,  
nuntium remittite, Quæ iusta,  
pura, honesta, sancta, aut etiam  
bonæ fama curate diligentius &  
pro virili exercete; *ut fides vestra*  
*disciplinatio sit in jejuniis &*  
*orationibus, in sobrietate & sancti-*  
*itate*

*itate*, uti olim sapienter & piè  
*Tertullianus*.

Quod si verò execranda hære-  
seum monstra, tanquam venenati  
alicujus serpentis Capita emerse-  
rint uspiam & pullulârint, gladio  
verbi & mucrone spiritûs reseca-  
te, proscindite, transfodite, pro-  
sternite; Et dum alii pro vobis  
*gladios*, vos saltem pro DEO  
calamos stringite, acuite, subor-  
nate, dirigite, ( prout vidistis  
lectissimum Virum, Antesigna-  
num Academiæ, nervosum asser-  
torem veritatis orthodoxæ )  
Contra omnes hæreticos & hæ-  
resiarchas, contra omnes hæreti-  
cos & *hæreticorum Patriarchas*,  
Sophistas intelligo, sub ovinis  
pellibus latitantes, qui sibilant  
instar aspidis, & laniant instar  
viperae è quibus prodeunt & nas-  
cuntur viscera *Lycei* dicam an  
*Syonis*? ( proh dolor ! ) utriusq;.

Hic

## 44 RAMUS OLIVÆ.

hîc est gladius quē se terris immi-  
 surum promisit *Dominus* ; hęc  
 pala, hęc palestra , futura dein-  
 cept palma Academica; hæ sunt  
 exercitationes, & *Diatribæ*, hi a-  
 gones & *Vindiciæ*, quę plurimùm  
 decent ~~capitulis~~ *Ecclesiæ*, è for-  
 tibus Israelis, eruntque nobis ho-  
 nori & præsidio, omni certè *Palla-*  
*dio*, aut certè *paludamento* hospi-  
 taliores. Si quemadmodùm, pro  
 evehendâ *Romani* imperii gloriâ,  
*Virtus* & *Fortuna* olim conten-  
 dère: ita protuendâ *Academiæ*  
 famâ , pietas , scientia, religio,  
 doctrina, fides, prudentia, sancti-  
 monia, disciplina, junctis viribus  
 concertârint. *Qui salvam cupiunt*  
*rem-publicam sequantur me* in-  
 quit *Nasica* in patriæ discrimi-  
 ne: qui salvam cupiunt *Academi-*  
*am* sequantur JESUM salvatorem  
 omnium, & doctrinæ Evangeli-  
 cæ puritatem.

*Nullu m*

*Nullum Numen abest si sit prudentia----*

Non mundi sed patris, non carnis sed spiritûs: *Theologica* prudentia, & divinæ legis sancta observatio.

*PAX multa diligentibus eam,* uti olim canebat exultim suavissimus propheta: *pax* (inquam) multa cum domi, tum foras, cum animi tum corporis, non evanida ad tempus, sed florida & perennis, gloriosa & immortalis, plusquam fuit in diebus *Numæ* aut temporibus *Augusti*, cum describeretur mundus universus; neq; *Jani* templum semel clausum aperietur deinceps in excidium orbis, & perniciem animarum.

Gloriam tuam *Domine* non dabis alteri, *pacem* tuam *Domine* aliis reliquisti, maneat tibi gloria illibata, modo nobis adsit *pacis* gratia

46 RAMUS OLIVÆ.

gratia; *Pax* hominibus, & *gloria*  
*DEO* in excelsis, uti olim dist-  
 inxerat chorus Evangelici exer-  
 citûs.

Quin imò pro comperto ha-  
 bemus, si benè agamus, & ho-  
 nesta proferamus, de miraculis  
**CHRISTI** & articulis fidei  
 plura & sæpius elocuti: **DEUS**  
*pacis* erit nobiscum, & serenabit  
 omnem animi tempestatem: **DE-**  
**US** salutis erit nobiscum, &  
 sanabit omnem animi infirmita-  
 tem, sub vite nostrâ, & sub ficu  
 nostrâ liberè discumbentes ami-  
 cè & suaviter, securè & fiducia-  
 liter, ad fontes *Libani*, ad puteos  
*Abrahami*, ad rivos sapientiæ, ad  
 fluenta gratiæ, & prolabentes  
 undiq; salutaris verbi scaturigi-  
 nes, in umbrâ fidei, in herbâ  
 Evangelii, inter ulnas sponsi, &  
 tenellos amplexus Domini nost-  
 ri **JESU CHRISTI** quiescemus.

*Semita*



———— *Semita nempe.*  
*Tranquilla per virtutem patet*  
*unica vitæ:*  
*Tranquilla per Messiam patet*  
*unica vitæ,*

Dilectum filium, Unctum  
 Domini quem pater unxit o-  
 leo lætitię præ consortibus suis in  
 Regem, in Prophetam, in Sacer-  
 dotem.

*Qui stat à longè per ab-*  
*sentiam carnis , stabit in medio*  
*per adventum spiritûs, reno-*  
*vantis spiritûs , incubantis*  
*spiritûs, dirigentis spiritûs, di-*  
*ligentis spiritûs , dicetque no-*  
*bis P A X V O B I S ; ut*  
 eodem desinat uude orsa fuit  
 Oratio , P A X & gratia,  
 salus et gloria, à DE O patre  
 et à Domino nostro J E S U  
 CHRISTO, æternùm colen-  
 do , æternùm celebrando, ab  
 æterno

## 48 RAMUS OLIVÆ:

æterno in æternum benedicto,  
cui una cum patre, et spiritu san-  
cto, sit honor, gloria, majestas,  
et potentia in omnem æterni-  
tatem. AMEN.

---

### ERRATA.

*Lege p. 2. l. 13 Irenæus. p. 9. l. 6.  
discite, p. 15. l. 21. juvat, promicat.*



## FINIS.





